

La doturia Grete Mahlknecht é demez l'ater lönesc y dedolönesc, 22 y 23 de jená, y vëgn sostituida dal dotur Eduard Agreiter 333 13 80 852

Racoiüda dl refodam da tosser en dedolönesc, ai 16 de jená, dan le magazin di stödafüg: a San Martin dales 9.00 ales 10.00 - a Lungiarü dales 10.15 ales 11.15

### PLOANIES SAN MARTIN Y LUNGIARÜ

Le Consëi de cöra d'Antermëia invieia dër bel ala festa de so patron Sant Antone Abat en dedemesaledema, ai 17 de jená, cun corona dales 9.00 y mëssa solëna dales 9.30. Do mëssa é val' de cialt por düc. Düc ciafa n simbol dl Sant da taché söl guant. Poscibilitè da marné tl salf dles manifestaziuns. Dales 14.00 mët man le batadú tl salf dles manifestaziuns cun de bi pesc a chël ch'al é da se prenoté 338 61 56 637. Al sará ince na ola dla fortuna. Les entradas vá a bëgn dla dljia.

### SAN MARTIN

Cun l'aziun di Trëi Resc é gnü trat ite la soma de 6.491,10 euro – n gran dilan a dötes les porsones che á ofr cun tan de generositè. N gran dilan ti vá al grup de mituns y mitans (Noemi, Mia, Josef, Johannes, Emely, Sophia, Karolin, Greta, Chiara, Cecilia, David, Lena y Anna) y ai acompagnadus (Stefan, Alex, Carlo, Franz, Giorgio y Pepi) y ala Ostaria Posta y ala Ciasa de Palsa por les marënes. N gran rengraziament ala maestra Teresa Piazza y a Sara Peslacz che á insigné jö i grups y s'á cruzié de döta la organisaziun. Cun chësta aziun án podü daidè jënt che á debojëgn y tl medem momënt é gnü cherié n bel lian te nosta comunitè de paisc.

Por fá le placat por le "De dla Vita" ai 4 de forá é i geniturs periá da ti fá avëi n retrat di mituns y dles mitans nasciüs/des y/o batiá/batiades tratan le 2023 cina ai 21 de jená a öna dles surastantes dla Uniun dles Ères o ince tres email menada a margareth.rubatscher@gmail.com

### LUNGIARÜ

I ti dijun dër bel dilan ai 12 mituns y mitans y ai acompagnadus/esses che è jüs fora por les ciasas a fá i "Trëi Resc". L'oferta di "Trëi Resc" y dla mëssa prefestia de Santaguania é de 4.036,04 € (3.808,50 € tles ciasas + 235,54 € te dljia) che gnarà spo menada inant ala Diozeja.

Por fá le placat por le "De dla Vita" ai 4 de forá é i geniturs periá da ti fá avëi n retrat di mituns y dles mitans nasciüs/des y/o batiá/batiades tratan le 2023 cina ai 15 de jená a öna dles surastantes dla Uniun dles Ères o ince tres email menada a anita.verginer@live.de

Le consëi nü dla Uniun di/dles Seniors/es, litè por la perioda 2024-2026, é metü adöm da: Renate Tatz (presidënta), Martin Clara (sostitut), Iaco Clara d'Aijus (cassier), Clemente Clara (scrivan), Paola Clara (mëmber), Monica Clara (mëmber) y Reinhold Sorá (rapresentant de dërt dl SBB).

I seniors y les seniores da Lungiarü (sura i 60 agn) é inviá da gní vigni jöbia dales 14.00 tla Pizzeria Fornata a carté y/o fá jüc da mësa. Düc chi y chères che á complí 60 agn y che n'é nia ciamó scric ite tla Uniun di/dles Seniors/es é bel inviá/des da se lascé scri ite telefonan o scrion n SMS a Clemente 342 13 76 430.



unitepastoral.org

## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
redaziun: anton.gasser@rolmail.net - 348 27 44 517 / 0474 523 194

### 14.01. - 21.01.24 n. 07

ultimo termo por comunicaziuns: jöbia, dales 20.00

## 2<sup>a</sup> Domënia ia por l'ann B

### Vangele do san Jan 1,35-42

Canche Gejü è passè dan ia, à Jan Batista ôt süa odlada sön ël y à dit: Ciarède l'Agnel de Dî! I dui discepuì à aldì cí ch'al â dit, y ti é jüs do. Mo Gejü s'â ôt, y canch'al â odü ch'ai ti jô do, i àl damanè: Cî orëise pa? Ai ti à dit: Rabbi – che ô di: maester –, olâ abitëieste pa? Al à respognü: Gnide y odede! Dailò ési jüs impara y à odü olach'al abitâ, y é romagnüs chël dé pro d'ël; al è incër les cater domisdé. Andrè, le fre de Scimun Pire, è un di dui, che â aldì la parora de Jan y che ti è jüs do a Gejü. Chësc à incuntè impröma so fre Scimun y ti à dit: I ùn ciafè le Messia. Che ô di: Crist – le consacrè. Al l'â condüt da Gejü. Gejü ti à ciarè y à dit: Tö es Scimun, le fi de Jan, te desses avëi inom Chefas. Chefas significhëia: Pire (pera).



*Ci ti ará mo Gejü pitè ai discepuì ch'ai orò jí cun ël y odèi? Le Vangele ne dij nia de chël, ma che do chësc de, n'ési nia plü jüs derevers da Jan Batista. Le maester nü jô bun, tan bun che André pó ti dí a so fre: "I un ciafè le Messia". Tan püch ch'al vëgn pordèrt baié te chësc test. Jan y Gejü ne pordica nia, ai invieia ma da gní a odèi. I discepuì ne se lascia nia tigní indò dala segurëza a chëra ch'ai è ausá y ne se damana nia: Podunse pa la vaghé? Paiel la mëia? Ai alda ci che so vedl maester dij y ó se fá na idea, ai se tol dlaurela da jí a odèi. Y spo ne n'ó nia plü se salvé süa fortuna por se instësc. Y insciö nen röiel un lapró che vëgn intitolé la "Pera" che sará maiú co chi dui cun chi che le movimënt à metü man.*

*Gejü invieia de tai che chir - insciö scomëncia le vangelist süa storia de Gejü. Jënt se lascia invié ite tl nü y tl sconesciü y ciafa laíte la vita. De bunes prospetives por l'ann nü!*

Christina Brunner

EDEMA	SAN MARTIN	LUNGIARÜ	
<b>14.01.24</b> <b>2<sup>a</sup> Domènia dl ann B</b> <i>Felize da Nola, Rainer</i>	<b>9.30 Corona</b> <b>10.00 Gran Mëssa por la comunité</b> de reingraziamënt + Giovanni Rubatscher + Alfred Zingerle, dl ann + + fam. Albert Moling	<b>7.50 Corona</b> <b>8.15 Liturgia dla Parora</b>	D'ATRES INFORMAZIUNS  TI mëis de ma vëgnel metü a ji dal KVW dla Val Badia, adöm cun le Pilgerbüro dla Diözēja, n peregrinaje de 4 dis a Lourdes. Le program plü avisa, cun prisc y modalités de prenotaziun, ves mëna ion laco Clement tres e-mail <a href="mailto:iaco_clement@libero.it">iaco_clement@libero.it</a> o tres WhatsApp 339 62 57 779.  Le Consëi de Formaziun da San Martin de Tor inviëia i rapresentanc dles uniuns y i interessá ala sentada generala l'ater lõnesc, 22 de jená, dales 20.00 tl Istitut Ladin.  Referat cun Paul Felix Rigo l'ater dedolõnesc, ai 23 de jená, dales 20.00, tl pice salff de comun a La Val: Ciaré de se instësc por ester plü stersc, efiziënc y contënc tl monn dl laur. Organisé dales Ères dl Artejanat Val Badia y dal Consëi Formaziun La Val.  Laboratore creativ por mituns y mitans dla elementara ai 24 de jená dales 15.00 ales 16.30 tl Musem Ladin de Tor. I liun y pastelnun adöm i "caldomorbidi" cun felter. Cina 15 partezipanc; prisc 5 euro por möt/a. Prenotaziun por tel. 0474 524020 o email <a href="mailto:prenotaziuns@museumladin.it">prenotaziuns@museumladin.it</a>  I familiars che ne l'á nia ciamó fat, vëgn ciamó n iadé bel periá da comuniché l'inom de chi che complësc en chësc ann 80 agn, ch'al pois ti gní fat les audanzas tla plata dla cõra telefonan a 348 27 44 517 (Tone) o scion na mail a <a href="mailto:anton.gasser@rolmail.net">anton.gasser@rolmail.net</a>
15.01.24 <i>Romede, Arnold Jansen</i> <b>Lõnesc</b>			
16.01.24 <b>Dedolõnesc</b> <i>Teobald, Marzelin, Ulrich</i>	<b>8.00 Mëssa</b> + + fredesc de Lena Ferdigg + Angelina Vanzi Baldissera		
17.01.24 <b>Dedemesaledema</b> <i>Antone abat, Beatrix</i>		<b>7.30 Mëssa</b> + + Nisio y Milia Clara + Monica Daporta + Ida Clara	
18.01.24 <i>Regina, Prisca</i> <b>Jõbia</b> <i>Edema de oraziun por l'unité di cristians (18 -25/1)</i>	<b>8.30 Mëssa di scolars</b> en onur de San Bostian + Rita Rubatscher Verginer, dl ann		
19.01.24 <b>Vëndres</b> <i>Marius, Caia, Pia</i>	<b>18.30 Adoraziun chîta</b> <b>19.00 Adoraziun deboriada</b>		
20.01.24 <i>Fabian, Bostian</i> <b>Sabeda</b> <i>Novëna a Sant Ojöp da Oies</i>	<b>18.30 Mëssa prefestia</b> + + Fonjo y Ottilia Verginer + Helga Tolpeit + + fam. Paul Sorà + + Tone y Maria Unterweger + Mariangel Tavella		
<b>21.01.24</b> <i>Agnes, Ines</i> <b>3<sup>a</sup> Domènia dl ann B</b> <b>DOMËNIA DLA PARORA DE DÎ</b> <i>Novëna a Sant Ojöp da Oies</i>	<b>9.30 Corona</b> <b>10.00 Liturgia dla Parora</b>	<b>7.50 Corona</b> <b>8.15 Mëssa por la Comunité</b> aniv. + Pire Clara, Paur + Albert Daverda aniv. + Marino Clara, Ties dl ann + Ivo Sorà + + Zilia y Franz de Ghestan dl ann + Veronica Costa	

